

微笑放大光明遍照三千大千世界文殊師

淨者

端平元年三月

日幹綠僧

志圓

利白佛言世尊即是如來印般若波羅蜜相
佛言文殊師利如是如是說般若波羅蜜已
皆現此瑞爲印般若波羅蜜故使人受持令
無讚毀何以故無相法印不可讚毀我今以
是法印令諸天魔不能得便佛說是已尔時

左末元

諸大菩薩及四部衆聞說般若波羅蜜皆大

歡喜信受奉行

時宗源書

文殊師利所說般若波羅蜜經

翔

狗締下丑知反厭二同於印殖常力反亦印字殖作植種一砾

羈闕導並与同用羈提上初眼初鴈二達逆誹謗杜貌字見搘打上直反治打持上音瞋恚下紓反麤

胞蒲貝反氣生疮也此云園苑阮反限齊卦

佛弟子張應麟特發誠心施財命工謹刊文殊般若經

平江府崑山縣市邑蓮貞鄉居住奉

佛弟子張應麟特發誠心施財命工謹刊文殊般若經
一卷所集功德專用拜薦

先考張五官人 先妣陳氏二娘子不滯冥塗往生

文殊師利所說般若波羅蜜經

梁扶南二歲僧伽婆羅

翔譯

如是我聞一時佛在舍衛國祇樹給孤獨園
與大比丘衆一萬人俱及諸菩薩摩訶薩十
萬人俱皆悉住於不退轉地久已供養無量
諸佛於諸佛所深種善根成就衆生淨佛國

高才

土得陁羅尼獲樂說辯成就智慧具足功德
以自在神通遊諸佛世界放無量光明說無
盡妙法教諸菩薩入一相門得無所畏善降
衆魔教化度脫外道邪見若有衆生樂聲聞
者說聲聞乘樂緣覺者說緣覺乘樂世間者
說世間乘以布施持戒忍辱精進禪定智慧

攝諸衆生未度者度未脫者脫未安者安未
涅洹者令得涅洹究竟竟菩薩所行善入諸佛
法藏如是種種功德皆悉具足其名曰文殊
師利法王子菩薩彌勒菩薩普光明菩薩不
捨勇猛精進菩薩藥王菩薩寶掌菩薩寶印
菩薩月光菩薩日淨菩薩大力菩薩無量力
菩薩得勤精進菩薩力幢相菩薩法相菩薩
自在王菩薩如是等菩薩摩訶薩十萬人俱
并餘天龍鬼神等一切大衆皆悉來集尔時
世尊於中夜時放大光明青黃赤白雜玻瓈
色普照十方無量世界一切衆生觸此光者
皆從卧起見此光明皆得法喜咸生疑惑此
光何來普遍世界令諸衆生得安隱樂作是
念已於二光復出大光明照耀殊特勝於前
光如是展轉乃至十重一切菩薩及諸比丘
比丘尼優婆塞優婆夷天龍八部遇光
歡喜皆來到門尔時世尊一切種智知諸大
衆悉已在門從住處起出至門外自鋪法座
結跏趺坐告舍利弗汝今晨朝來門外乎舍

利弗白佛言世尊文殊師利等菩薩摩訶薩
皆悉先至尔時世尊告文殊師利汝於晨朝
先至門乎文殊師利白佛言如是世尊我於
中夜見火光明十重照耀得未曾有心懷歡
喜踊躍無量故來禮拜親近如來并欲願聞
甘露妙法尔時世尊告文殊師利汝今真實

見如來乎文殊師利白佛言世尊如來法身
本不可見我為衆生故來見佛佛法身者不
可思議無相無形不來不去非有非無非見
非不見如如實際不去不來非無非有非處
非非處非一非二非淨非垢不生不滅我見
如來亦復如是佛告文殊師利汝今如是見

如來乎文殊師利白佛言世尊我實無見亦
無見相余時舍利弗白文殊師利我今不解
汝之所說云何如是見於如來文殊師利答
舍利弗大德舍利弗我不如是見於如來舍
利弗白文殊師利如汝所說轉不可解文殊
師利答舍利弗不可解者即般若波羅蜜般

若波羅蜜非是可解非不可解舍利弗白文
殊師利汝於衆生起慈悲心不汝為衆生行
六波羅蜜不復為衆生入涅槃不文殊師利
答舍利弗如汝所說我為衆生起慈悲心行
六波羅蜜入於涅槃而衆生實不可得無相
無形不增不減舍利弗汝常作是念一一世

文殊說

三

庚

界有恒河沙等諸佛住世恒河沙劫說一一
法教化度脫恒河沙衆生一一衆生皆得滅
度汝有如是念不舍利弗言文殊師利我常
作是念文殊師利答舍利弗如虛空無數衆
生亦無數虛空不可度衆生亦不可度何以
故一切衆生與虛空等故舍利弗白文殊師
利若一切衆生與虛空等汝何故為衆生說
法令得菩提文殊師利答舍利弗菩提者實
不可得我當說何法使衆生得乎何以故舍利
弗菩提與衆生不一不二無異無爲無名無
相實無所有余時世尊出大人相肉髻光明
殊特希有不可稱說入文殊師利菩薩摩訶
薩法王子頂還從頂出普照大衆照大衆已
乃遍十方一切世界是時大衆觸此光明身
心快樂得未曾有皆從座起瞻仰世尊及文
殊師利咸作是念今日如來放此奇特微妙
光明入文殊師利法王子頂還從頂出普照
大衆照大衆已乃遍十方非無因緣必說妙

法我等但當勤修精進樂如說行如是念已各白佛言世尊如來今日放此光明非無因緣必說妙法我等渴仰樂如說行如是而已默然而住尔時文殊師利白佛言世尊如來放光加我神力此光希有非色非相不去不來不動不靜非見非聞非覺非知一切衆生

無所覩見無喜無畏無所分別我當承佛聖言說此光明令諸衆生入無相慧爾時佛告文殊師利善哉善哉汝善快說吾助尔喜

文殊師利白佛言世尊此光明者是般若波羅蜜般若波羅蜜者是如來如來者是一切衆生世尊我如是修般若波羅蜜爾時佛告文殊師利言善男子汝今如是說深般若波羅蜜我今問汝若有人問汝有幾衆生界汝云何答文殊師利白佛言世尊若人作如是問我當答言衆生界數如如來界文殊師利若復問汝衆生界廣狹云何汝云何答文殊師利白佛言世尊若人作如是問我當答言

如佛界廣狹文殊師利若復問汝衆生界繫在何處當云何答世尊我當答言如如來繫衆生亦尔文殊師利若復問汝衆生界住在何處當云何答世尊我當答言住涅槃界佛告文殊師利汝如是修般若波羅蜜般若波羅蜜有住處不文殊師利白佛言世尊般若波羅蜜無有住處佛告文殊師利若般若波羅蜜無住處者汝云何修汝云何學文殊師利白佛言世尊若般若波羅蜜有住處者則無修學佛告文殊師利汝修般若時有善根增減不文殊師利白佛言世尊無有善根可增可減若有增減則非修般若波羅蜜世尊不爲法增不爲法減是修般若波羅蜜不斷凡夫法不取如來法是修般若波羅蜜何以故世尊般若波羅蜜不爲得法故修不爲不得法故修不爲修法故修不爲不修法故修世尊無得無捨是修般若波羅蜜何以故不爲生死過患不爲涅槃功德故世尊若如是

修是修般若波羅蜜不取不受不捨不放不增不減不起不滅故世尊若善男子善女人作是思惟此法上此法中此法下非修般若波羅蜜何以故無上中下法故世尊我如是修般若波羅蜜佛告文殊師利一切佛法非增上耶文殊師利白佛言世尊佛法菩薩法

文殊發言
三

聲聞緣覺法乃至凡夫法皆不可得何以故畢竟空故畢竟空中無佛法凡夫法佛法凡夫法中無畢竟空何以故空不空不可得故佛告文殊師利佛法無上不文殊師利白佛言世尊無有一法如微塵許名爲無上何以故檀波羅蜜檀波羅蜜空乃至般若波羅蜜般若波羅蜜空十力十力空四無所畏十八不共法乃至薩婆若薩婆若空空中無無上無上中無空空不空畢竟不可得故世尊不可思議法是般若波羅蜜佛告文殊師利汝不思惟佛法耶文殊師利白佛言世尊我若思惟佛法我則見佛法無上何以故無生死故

世尊五陰十二入十八界畢竟不可得一切佛法亦不可得不可得中無可得不可得故世尊般若波羅蜜中凡夫乃至佛無法無法非法我當思惟何法佛言善男子若無思惟汝不應說此凡夫法此緣覺法乃至不應說此是佛法何以故不可得故世尊我實不說凡夫法乃至佛法何以故不修般若波羅蜜故佛言善男子汝亦不應作如是意此欲界此色界此無色界何以故不可得故世尊欲界欲界性空乃至無色界無色界性空空中無說我亦無說世尊修般若波羅蜜不見上不見不上何以故世尊修般若波羅蜜不取佛法不捨凡夫法何以故畢竟空中無取捨故佛告文殊師利善哉善哉汝能如是說深般若波羅蜜此是菩薩摩訶薩印文殊師利若善男子善女人非於千万佛所深種善根得聞此法乃於無量無邊佛所深種善根乃得聞此甚深般若波羅蜜不生怖畏文殊師利復

白佛言世尊我承佛威神當更說甚深般若波羅蜜佛告文殊師利善哉善哉恣聽汝說文殊師利白佛言世尊若不得法生是修般若波羅蜜何以故諸法無性故若不得住是修般若波羅蜜何以故諸法如實故若不得滅是修般若波羅蜜何以故諸法寂滅故世六
文殊般若

尊若不得色是修般若波羅蜜乃至不得識是修般若波羅蜜何以故一切諸法如幻如炎故世尊若不得眼是修般若波羅蜜乃至不得意是修般若波羅蜜若不得色乃至法不得眼界色界眼識界乃至不得法界意識界是修般若波羅蜜若不得欲界是修般若波羅蜜乃至無色界亦如是世尊若不得檀波羅蜜是修般若波羅蜜乃至不得般若波羅蜜是修般若波羅蜜若不得佛十力四無所畏乃至十八不共法是修般若波羅蜜何以故內空故乃至無法有法空故世尊若得生住滅非修般若波羅蜜若得五陰十二入

十八界非修般若波羅蜜若得欲界色界無色界非修般若波羅蜜若得檀乃至般若得佛十力乃至十八不共法非修般若波羅蜜何以故以有得故世尊若善男子善女人聞此甚深般若波羅蜜不驚不疑不怖不退當知是人久於先佛深種善根文殊師利復白佛言世尊若不見垢法淨法不見生死果不見涅槃果不見佛不見菩薩不見緣覺不見聲聞不見凡夫是修般若波羅蜜何以故一切諸法無垢無淨乃至無凡夫故世尊若見垢淨乃至見凡夫非修般若波羅蜜世尊若見垢法差別淨法差別乃至見佛差別凡夫差別非修般若波羅蜜何以故般若波羅蜜無差別故佛告文殊師利善哉善哉是真修行般若波羅蜜文殊師利汝云何供養佛文殊師利白佛言世尊若幻人心數滅我則供養佛佛告文殊師利汝不住佛法耶文殊白佛佛無法可住我云何住佛告文殊師利若無

七
文殊般若

七

井

法可得誰有佛法文殊白佛言世尊無有有
佛法者佛告文殊師利汝已到無所著乎文
殊白佛無著則無到云何世尊問已到無著
佛告文殊汝住菩提不文殊白佛言世尊佛
尚不住菩提何況我當住菩提乎佛告文殊
師利汝何所依作如是說文殊白佛我無所

依作如是說佛告文殊汝若無依爲何所說
文殊白佛如是世尊我無所說何以故一切
諸法無名字故尔時長老舍利弗白佛言世
尊若菩薩摩訶薩聞此深法不驚疑怖畏必
定得近阿耨多羅三藐三菩提不爾時彌勒
菩薩白佛言世尊若諸菩薩摩訶薩聞此深
法不驚疑怖畏得近阿耨多羅三藐三菩提
不爾時有天女名無緣白佛言世尊若善男
子善女人聞此深法不驚疑怖畏當得聲聞
法緣覺法菩薩法佛法不爾時佛告舍利弗
如是如是舍利弗若諸菩薩摩訶薩聞此深
法不驚疑怖畏必定當得阿耨多羅三藐三

菩提是善男子善女人當爲大施主第一施主
勝施主當具足戒忍辱精進禪定智慧當具
諸功德成就相好自不怖畏令人不怖畏究
竟般若波羅蜜以不可得無相無爲成就第
一不可思議法故佛告文殊師利汝何所見
何所樂求阿耨多羅三藐三菩提文殊師利

白佛言世尊我無見無樂故求菩提佛告文
殊師利若無見無樂亦應無求文殊白佛如
是世尊我實無求何以故若有求者是凡夫
相佛告文殊師利汝今真實不求菩提耶文
殊白佛我真實不求菩提何以故若求菩提
是凡夫相佛告文殊師利汝爲定求爲定不

用文殊說若

八

持

求文殊白佛若言定求定不求定求不求定
非求非不求是凡夫相何以故菩提無住處
故佛告文殊師利善哉善哉汝能如是說般
若波羅蜜汝先已於無量佛所深種善根久
修梵行諸菩薩摩訶薩應如汝所說行文殊
白佛我不種善根不修梵行何以故我若種

善根則一切衆生亦種善根我若修梵行則一切衆生亦修梵行佛告文殊師利汝何見何證說如是語文殊白佛我無見無證亦無所說世尊我不見學不見無學不見非學非無學不見故不證爾時舍利弗白文殊師利汝不見佛不文殊師利若舍利弗我尚不見聲聞人何況我當見佛何以故以無見諸法故謂爲菩薩舍利弗白文殊師利汝今決定不見諸法耶文殊師利若舍利弗大德大比丘汝止不湏復說舍利弗白文殊師利謂爲佛者是誰語言文殊師利若舍利弗佛非佛不可得無有言者無有說者舍利弗菩提者不可以言說何況有佛可言可說復次大德舍利弗汝說佛者是誰語言此語言不合不散不生不滅不去不來無有一法可與相應無字無句大德舍利弗欲見佛者當如是學尔時舍利弗白佛言世尊此文殊師利所說新發意菩薩所不能解文殊師利

雜

大乘般若

九

告舍利弗如是如是大德舍利弗菩提非可解新發意者云何當解舍利弗白文殊師利諸佛如來不覺法界耶文殊師利若舍利弗諸佛尚不可得云何有佛而覺法界舍利弗法界尚不可得云何法界爲諸佛所覺舍利弗法界者即是菩提菩提者即是法界何以故諸法無界故大德舍利弗法界佛境界無有差別無差別者即是無作無作者即是無爲無爲者即是無說無說者即無所有舍利弗白文殊師利一切法界及佛境界悉無所有耶文殊師利若舍利弗無有無不有何以故有及不有一相無相無一無二故舍利弗

白文殊師利如是學者當得菩提耶文殊師利若舍利弗如是學無所學不生善道不墮惡趣不得菩提不入泥洹何以故舍利弗般若波羅蜜畢竟空故畢竟空中無一無二無三無四無有去來不可思議大德舍利弗若

得故如是增上慢人不堪受人信施有信人不應供養舍利弗白文殊師利汝何所依作如是說文殊師利答舍利弗我無所依作如是說何以故般若波羅蜜與諸法等故諸法無所依以平等故舍利弗白文殊師利汝不以智慧除斷煩惱耶文殊師利答舍利弗汝

是漏盡阿羅漢不舍利弗言不也文殊師利言我亦不以智慧除斷煩惱舍利弗言汝何所依作如是說不怖不畏文殊師利言我尚不可得當有何我而生怖畏舍利弗言善哉文殊師利快說如是甚深般若波羅蜜尔時佛告文殊師利言善男子有菩薩摩訶薩住菩提心求無上菩提者佛告文殊師利汝意謂如來是汝師不文殊師利白佛言世尊我尚不可得何況當有意謂佛是我師佛告文殊汝於我有疑不文殊白佛言世尊我尚無決定何況當有疑何以故先定後疑故佛告文殊師利汝不定言如來生耶文殊白佛如來若

生法界亦應生何以故法界如來一相無二相二相不可得故文殊師利汝信諸佛如來入涅槃不文殊師利言一切諸佛即涅槃相涅槃相者無入無不入佛告文殊師利汝言諸佛有流轉不文殊師利白佛言世尊不流轉尚不可得何況流轉當可得佛告文殊師

意不可得色不可得乃至法不可得眼界乃至法界亦不可得生不可得乃至老死亦不可得檀波羅蜜不可得乃至般若波羅蜜亦不可得佛十力不可得乃至十八不共法亦不可得菩提心無上菩提皆不可得不可得中無可得不可得是故世尊無菩薩住菩提

利如來無心唯如來前可說此言或漏盡阿
羅漢及不退菩薩前可說此言若餘人聞此
語則不生信當起驚疑何以故此甚深般若
波羅蜜難信難解故文殊師利白佛言世尊
復何等人能信此甚深法佛告文殊師利一
切凡夫能信此法何以故如來無心一切凡
士

夫亦無心故文殊師利白佛言世尊何故作
如是說法新發意菩薩及阿羅漢咸皆有疑
願聞解說佛告文殊如實相法性法住法位
實際中有佛有凡夫差別不文殊白佛言不
也世尊佛告文殊若無差別何故生疑文殊
白佛言世尊無差別中有佛有凡夫不佛言
有何以故佛與凡夫無二無差別一相無相
故佛告文殊汝信如來於一切衆生中最勝
不文殊師利白佛言世尊我信如來於一切
衆生中最勝世尊若我信如來於一切衆生
中最勝則如來成不最勝佛告文殊汝信如
來成就一切不可思議法不文殊師利白佛

言世尊我信如來成就一切不可思議法世
尊我若信如來成就一切不可思議法如來
則成不可思議佛告文殊師利汝信一切聲聞
是如來所教化不世尊我信一切聲聞是如
來所教化世尊我若信一切聲聞是如來所
教化則法界成可教化佛告文殊師利汝信
如來是無上福田不世尊我信如來是無上
福田世尊我若信如來是無上福田如來則
非福田佛告文殊師利汝何所依作如是答
我文殊白佛言世尊我無所依作如是答世
尊無所依中無勝無不勝無可思議無不可思
議無教化無不教化無福田無非福田是

時以佛神力地六種震動一万六千比丘衆
以無可取心得解脫七百比丘尼衆三千優
婆塞衆四万優婆夷衆遠塵離垢得法眼淨
六萬億那由他諸天遠塵離垢得法眼淨是
時長老阿難即從座起偏袒右肩右膝著地
合掌恭敬白佛言世尊何因何緣此地大動

余時佛告阿難此說般若波羅蜜往古諸佛皆於此處說此法以是因緣故此地振動余時長老舍利弗白佛言世尊此文殊師利所說不可思議余時世尊告文殊師利如舍利弗所說此文殊師利所說不可思議余時文殊師利白佛言世尊若不可思議則不可說

釋文殊師利

三

三

若可說則不可思議不可思議者無所有彼一切聲亦不可思議不可思議者無聲佛告文殊師利汝入不可思議定不文殊師利白佛言不也世尊若我入不可思議定者我則成可思議世尊心無心我當云何入不可思議定復次世尊我初發菩提意言我當入不可思議

定我今無此意當入不可思議定世尊如初學射先作此意我當射堋射堋成已後作是念我當射皮射皮成已復作是念我當射木射木成已復作是念我當射鐵射鐵成已無復前念隨其箭中皆能徹過我亦如是譬如初發意求入不可思議定我於今日無復此意

當入不可思議定何以故此定不可思議故余時舍利弗白佛言世尊文殊師利未應得住何以故離此不可思議定更有寂靜定是其所應得故文殊師利白舍利弗言汝云何知離此不可思議定更有寂靜定大德舍利弗若此不可思議定可得者可離此定有寂靜定若此不可思議定不可得者彼寂靜定亦不可得何以故以此不可思議定不可得故彼亦不可得復次大德舍利弗無有衆生不得此定者一切衆生皆得此定何以故一切諸心無心故彼無心性即是此定是故一切衆生皆得此定余時世尊歎文殊師利善哉善哉如汝所說是最勝義汝於久遠無量佛所深種善根能作是說文殊師利汝作是念我住般若波羅蜜能說此言不文殊師利白佛言不也世尊我無此念世尊若我有此念住般若波羅蜜能說此言者我則住可得法世尊我若住我相則有是念是故世尊我不作此念住

般若波羅蜜能說此言。余時佛告文殊師利。誰當信汝所說文殊師利白佛言。世尊若人不執生死及涅槃相是人信我所說。又若人執有我若人具三毒此人不能信何以故見及煩惱無可滅故。尔時世尊歎文殊師利善哉善哉汝能善說。尔時長老摩訶迦葉白佛言。世尊未來世誰能信此深法。誰樂聽此法。佛告迦葉即今日四衆比丘比丘尼優婆塞優婆夷於未來世能信此法。聞說此深般若波羅蜜當知此法當求此法。迦葉辭如長者或長者子已失一大寶珠價直億万兩金大生憂惱後更還得生大歡喜憂惱悉滅如是。

迦葉比丘比丘尼優婆塞優婆夷於未來世聞此最深般若波羅蜜經與般若相應聞已生喜心得安樂無復憂惱亦復如是當作是言我等今日得見如來供養如來所以者何以得聞此甚深微妙六波羅蜜故迦葉辭如古文殊師利說此法者亦無行無相云何世尊說有行相佛告文殊師利善男子善女人行相者所謂信此法受持此法以無所得心故行亦無所得相亦無所得文殊師利若善男子善女人樂此無所得當聽此般若波羅蜜若

是念此砲不久必當開敷如是迦葉比丘比丘尼優婆塞優婆夷聞此般若波羅蜜經心生歡喜亦復如是迦葉此深般若波羅蜜如來滅後當住不滅處處流行迦葉以佛力故未來世中若善男子善女人當得此深般若波羅蜜迦葉如摩尼珠師見摩尼寶心生歡喜不假思量即知真偽何以故以價見故如是迦葉若人聞此般若波羅蜜相應法聞已歡喜生信樂心當知此人先世已聞此般若波羅蜜從久遠劫來已曾供養諸佛迦葉白佛言世尊此善男子善女人今聞此法於未來世轉復信解佛告摩訶迦葉如是如是如

井

善男子善女人欲得不退轉地當聽此般若波羅蜜若善男子善女人欲信一切諸法與法界等當聽此般若波羅蜜若善男子善女人欲知一切諸法當聽此般若波羅蜜若人得信此義當聽此般若波羅蜜人樂不念一切諸法當聽般若波羅蜜何以故此般若波

羅蜜不見一切諸法故文殊師利若善男子善女人欲知一切諸法不淨不穢當學此般若波羅蜜若善男子善女人欲得無疑當聽此般若波羅蜜若善男子善女人欲慈悲遍覆一切衆生不住衆生相不與世間諱當學此般若波羅蜜爾時文殊師利白佛言世尊般若波羅蜜無我無我所無起無滅無因無果無可執持云何聽受而得功德佛告文殊師利般若波羅蜜無作無滅非凡夫法非聖人法非生死法非離生死法非涅槃法非離涅槃法無得無失非不可思議非不可思議若善男子善女人如是聽受則與般若波羅蜜

角文殊經卷

主

津

相應是爲功德亦無功德復次文殊師利若菩薩摩訶薩欲得菩薩定欲知一切諸佛名欲見一切諸佛世界欲聞一切諸佛所說法欲行諸佛法當學此般若波羅蜜爾時文殊師利白佛言世尊何故名般若波羅蜜佛告文殊師利般若波羅蜜者無量無邊無方無處無去無來無作無爲即是一切諸佛法界故名般若波羅蜜文殊師利此般若波羅蜜是菩薩摩訶薩行處菩薩於此處行故名行處何以故以無處故即是一切諸佛之母一切諸佛所從生故何以故以無生故是故文殊師利若善男子善女人欲行菩薩行具足諸波羅蜜當修此般若波羅蜜若欲得坐道場成無上菩提當修此般若波羅蜜若欲以大慈大悲遍覆一切衆生當修此般若波羅蜜若欲起一切定方便當修此般若波羅蜜若欲得一切三摩跋提當修此般若波羅蜜何以故諸三摩提無所爲故一切諸法無出離無出

離處若人欲隨逐此語當修般若波羅蜜一切諸法如實不可得若欲樂如是知當修般若波羅蜜一切衆生爲菩提故修善提道而實無衆生亦無菩提若人欲信樂此法當修般若波羅蜜何以故一切諸法如實與菩提等如非衆生行不捨自性衆生行無所有故

彼衆生行是非行彼非行是菩提彼菩提是法界若欲不著此法當修般若波羅蜜文殊師利若比丘比丘尼優婆塞優婆夷若受持般若波羅蜜一四句偈爲他人說我說此人得不墮法何況如實修行當知彼善男子善女人住佛境界文殊師利若善男子善女人聞此甚深般若波羅蜜不生怖畏當知此人

受佛法印此法印者是佛所造是佛所貴何以故以此法印無著法故若善男子善女人爲此印所印當知是人隨菩薩乘決定不退不墮聲聞辟支佛地余時釋提桓因及諸天子從三十三天雨細末旃檀及細末金屑又

散鬱波羅華鉢頑摩華拘物陀華分陀利華及曼陀羅華以供養般若波羅蜜供養已作如是言我已供養無上無著最第一法願我來世更聞此深般若波羅蜜若人已爲此深般若波羅蜜印之所印願其未來復得聽受究竟成就薩婆若智余時釋提桓因白佛言世尊若善男子善女人聞此般若波羅蜜一經於耳我爲增長佛法故守護彼人百旬不令非人得其便也是善男子善女人究竟當得阿耨多羅三藐三菩提我當日日徃到其所而設供養余時佛告釋提桓因如是如是憍尸迦當知彼善男子善女人具足佛法必定得至阿耨多羅三藐三菩提余時文殊師利白佛言唯願世尊以威神力持此般若波羅蜜久住於世爲欲饒益諸衆生故文殊師利說此語時以佛神力大地六種震動余時世尊即便微笑放大光明遍滿三千大千世界以威神力持此般若波羅蜜令久住

世爾時文殊師利復白佛言世尊放此光明是持般若波羅蜜相佛告文殊師利如是如是文殊師利我放此光明是持般若波羅蜜相文殊師利汝今當知我已持此般若波羅蜜久住於世若有人不輕毀此法不說其過當知是人已爲此深般若波羅蜜印之所印

釋文卷第十七

十七

廿

是故文殊師利我於久遠安住此印若人已爲此印所印當知是人不爲魔王之所得便佛告帝釋汝當受持讀誦此經廣宣流布使未來世諸善男子善女人得此法印復告阿難汝亦受持讀誦廣爲人說時天帝釋及長老阿難白佛言世尊當何名此經我等云何

奉持佛言此經名文殊師利所說亦名般若波羅蜜如是受持善男子若人於恒沙劫以此經竟文殊師利等諸菩薩摩訶薩舍利弗等比丘比丘尼優婆塞優婆夷天龍夜叉乾闥婆阿脩羅迦樓羅緊那羅摩睺羅伽人非人等一切大衆聞佛所說皆大歡喜信受奉行多不阿難白佛言甚多世尊佛言善男子若人起一念心信此般若波羅蜜經不誹謗者此前功德出過百倍千倍百千万億倍乃至等數辭喻所不能知何況具足受持讀誦為人解說是人所得功德無量無邊諸佛如來說不能盡何以故能生一切諸佛薩婆若故若虛空有盡則此經功德盡若法性有盡則此經功德盡是故文殊師利善男子善女人應勤行精進守護此經能滅生死一切怖畏能摧天魔所立勝幢能將菩薩到涅槃果示教訓導離於二乘爾時帝釋及以阿難俱白佛言世尊如是如是誠如佛言我等當頂戴受持廣宣流布唯願如來不以爲慮如是三白言願不爲慮我等當頂戴受持佛說此經竟文殊師利等諸菩薩摩訶薩舍利弗等比丘比丘尼優婆塞優婆夷天龍夜叉乾闥婆阿脩羅迦樓羅緊那羅摩睺羅伽人非人等一切大衆聞佛所說皆大歡喜信受奉行

文殊師利所說般若波羅蜜經

期十三

泥洹

下戶官反
別云涅槃
串俱患反一習也

金屑

下先節
朱反

射堋

下音朋一
也探音塵

薩婆若

下汝者反此云一切智

平江府碛砂延聖院刊造大藏經

鶩伏承

崑山縣市邑諸家施主捨錢芳銜開具于后

十六

錢財最惠徐智諸謙陳寔張佐周椿沈祐耿鑄石崇富吳興祖
王燁洪棟唐新謝暉楊貴王顯顧鑄顧寬茆珍宮龍吳松年
嚴鼎沈清王燁鄒信薛偉姚杰沈善陸德興徐興祖表惟忠
洪天德祁真陳寔故孫劉空郎
俞氏娘徐三娘楊李四娘
陳氏六娘李氏三娘唐氏七娘呂氏九娘苏學三娘萬氏五娘葛氏百娘
吳氏三娘沈氏細娘葉氏貞娘洪學娘王堅三娘龔尊娘張三娘
翁氏五娘倪皆娘顧氏三娘陳氏六娘張氏三娘丁氏三娘鄭氏九娘
吳氏百靈史家娘胡氏一娘許氏百娘顧氏百娘朱平娘柳氏皆娘
周氏真娘高氏三娘楊氏善娘潘氏三娘許氏百娘吳癸六娘俞氏娘
已上諸家施主各捨淨財壹具貳伯文足入本局刊造文
殊師利般若經一卷求遠印摺流通 佛教所集功德
專爲諸家施主拜獻 諸天三界十方真宰各人家堂侍

奉香火福德聖聽行年本命元辰吉凶生斗乞福保祐
門清吉人口常安吉祥如意仍懺悔三業六根之重罪十
惡五逆之過愆俱憑無上之良因洗滌一時之清淨然後四
恩普報三有同資隨彼願功德圓滿者

紹定六年九月

日僧

吉圓謹題